

福建續志卷六十一

列女三

福州府

國朝

貞烈

林氏郭繼汾妻郭氏以軍功世襲福州中衛指揮使明亡乃絕繼汾讀書工楷法然嗜飲好遊得嘔血病猶弗改婦數苦諫繼汾怒婦勿怨也脫簪珥爲湯藥費斷髮誓天夫沒撫屍慟哭卽日投井死無子年二十有四吳江潘未有傳

福建續志

卷六十一 列女三 一

黃氏歸陳文賢未幾文賢病刲股和藥以進及卒卽於是日自經以殉時年二十九乾隆間 旌

江氏許字黃元經未婚元經歿江年二十一凶問至拊胸大慟遂以刀刲喉父母爲延醫療之氏堅執不許知其志不可奪竟之黃門號哭見夫靈一慟而絕乾隆間 旌

程氏陳廷鐸妻鐸航海貿易歷五載音耗不通程艱苦食貧毫無戚色旣而訃至號慟哀毀欲以身殉妯力慰之延數月程乘間整衣自縊死乾隆間 旌

張璠官益豐女少失怙恃事兄嫂如父母許字鄭如  
蘭未婚如蘭亡訃至哀慟絕粒以頭觸地告於兄  
嫂縞素奔喪雉經柩側時年二十二乾隆間 旌  
陳氏左都督澄女歸國子生李基基死年二十八痛  
哭拊心投繯以殉乾隆間 旌  
何氏王徽五妻夫病鬻簪珥爲藥餌貲奉事三年無  
倦色徽五死氏飲泣絕粒投繯而卒乾隆間 旌  
陳氏年十九歸鄭子拔甫三年子拔病篤顛天期以  
身代及死殯殮畢雉經以殉時年二十一乾隆間  
旌

福建續志

卷六十一 列女三

二

江宜官許字董道坦夫卒卽投繯家人防護甚周堅  
臥不食父憫之許往董氏謁舅姑哭奠夫靈至晚  
閉戶投繯死時年十八

鄭寧官董孔祥妻孔祥以父歿哀毀卒氏投繯以殉  
薛氏許字王大表大表亡乘間投繯爲家人救護不  
死矢節撫嗣男蓬鬢布裙不沐不櫛年七十一卒  
乾隆間 旌

王氏吳元珠妻乾隆丁卯夏疫舅姑與夫相繼歿遺  
幼孤一女二氏矢志撫孤逾月孤殤所親勸他適  
氏斥之決計殉將死懼女啼鄰覺左抱乳幼女右

挽長女立膝前自縊絕夫黨排闥入猶木強而坐  
挽抱二女如生時急招鄰人入視咸爲惋嘆與其  
夫合葬焉

陳氏吳孔特妻于歸後勤儉持家事舅盡孝夫病篤  
封股以療及夫歿營殮事既畢投繯死

林氏徐世任妻世任負擔爲生病卒氏竭力營葬葬  
畢投井死去其夫死三日年三十三

翁氏石開德妻隨夫客延平數月夫卒氏齧指血爲  
書貽父母遂自經死

吳氏許字鄭國桐夫卒殉烈乾隆間 旌

福建續志 卷六十一 烈女三 三

楊氏許字方應夫卒殉烈乾隆間 旌

吳氏許字翁其陞夫卒殉之乾隆間 旌

劉蘭官許字姚德榮父死母再適夫貧不能娶來辭  
婚女以死自誓後有奪其志者拒之不得遂自經  
死

陳淑莊石首縣丞麟女歸林立元立元死氏自刎枕  
尸而逝乾隆間 旌

林淑玉儒童朱聖卿未婚妻夫亡殉節乾隆間 旌  
蕭氏儒童林承治未婚妻

楊淑冕王傳璧妻

以上  
閩縣

陳玉姐林時杰妻康熙丙辰山寇至與妹秀姐偕林  
元器妻汪氏潘府志作誤投水中賊欲擒之俱入深處  
溺死汪氏子日乾孫作實曾孫特蛟起蛟皆名諸  
生

孫氏明禮科給事中昌祖孫女父諸生穀貽與同里  
蔡其聰相好氏姊嫁其聰次子而氏歸少子以位  
其聰成進士未仕而歿家酷貧以位棄其業與齷  
商同事至順昌遇私販者格鬪死氏聞悲慟勺水  
不入口者數日潛自縊以救解迎喪江干奮身投  
水有持之者不克死其姊以義責之曰若幸有子

福建續志

卷六十一 列女三

四

卽死如立孤何乃不復求死官捕得私販者法當  
抵死而律令須檢傷乃定罪氏曰是重僂吾夫也  
痛不欲檢理官悲其意爲杖斃首惡二人氏在喪  
未嘗露齒足不踰戶闥有疾不肯服藥語次嘗以  
孤囑其姊喪且再期謂其姊曰吾兒稍長韉履可  
取諸市不煩手縫矣兒向苦瘡今愈矣不累吾姊  
矣有言旣祥而姑在當具淺色綦履者氏曰無庸  
姑緩之大祥之日從容如平時哭奠畢就寢稍休  
久之不出姊趨視之則闔戶引絰自經矣年二十  
九吳江潘耒有傳

陳儼年十三許字黃超塵未婚而超塵死儼聞訃泣告母兄願歸黃氏守節遂歸黃跪告翁姑曰翁姑自愛勿以兒故重傷高年也語竟起入戶乘間投繯死

陳氏年十八歸王光敏夫卒投繯以殉時年二十三耳

鄭崇官爾馨女許字武生林某林某卒訃聞不食數日死父母憐之舉其柩合葬焉

何淑英舉人齊潮妻潮航海卒訃聞飲泣絕粒投繯以殉

福建續志

卷六十一 列女三

五

陳藻使許字張德佐德佐卒氏歸張食貧十八載營葬夫畢扃戶自經鄰里爲之治斂

陳進官國子生學聖女適林國楷夫卒氏投繯以殉

林端淑國子生兆棟女歸葛縈機未一歲縈機病卒闔戶自經家人力救之復盥櫛拜夫靈卒投繯死

越二日斂顏色如生乾隆間旌祀節孝祠

陳氏藍椿妻椿卒氏誓以身殉及夫大祥營葬畢遂扃戶自經死時年二十二

謝陸使許字張世華未嫁時事親盡孝嘗割股以愈父病及世華卒聞訃哭告於親請奔喪不許遂投

縵死

邱氏陳快妻夫卒殉烈乾隆間 旌

陳氏許字張廷璧夫卒聞訃殉烈乾隆間 旌

王曲使陳灝妻夫卒殉烈乾隆間 旌

毛氏王荆山妻夫亡殉烈乾隆間 旌

陳氏諸生王益山妻夫卒以身殉乾隆間 旌

鄭氏陳大綸妻夫卒矢志殉烈家人防之乘間投縵

死時炎暑經日顏色不變年二十七乾隆間 旌

鄭氏董日暄妻夫死身殉乾隆間 旌

倪廩官庠生光斗女適曾世忠三月而夫卒越六日

福建續志 卷六十一 列女三 六

投縵以殉先是父母知其有舍生之志力勸之對  
曰人誰無死同室同穴幸事也顧不能長侍吾親  
耳洎是氏理衣粧訖乃別親友有往生祭者氏答  
拜如禮引繩而絕乾隆間 旌林通政枝春爲之  
傳

丁氏陳兆發妻夫亡卽殉乾隆間 旌

林氏項仁貴妻仁貴卒氏卽殉烈乾隆間 旌

鄭氏薩知源妻夫卒痛哭殉烈乾隆間 旌

方淑音林士標未婚妻年二十聞夫訃悲傷激烈始  
則自縊繼則投井俱遇救免家人防閑甚切氏自

矢舍生絕粒五朝一夕嘔血而逝乾隆間 旌

江氏金廷機妻夫亡從容殉烈祀節孝祠

葉氏陳以中妻夫卒殉烈祀節孝祠

林而淑陳紹妻紹卒氏爲殉烈祀節孝祠

王喜卿嚴錫昭妻錫昭卒氏殉焉祀節孝祠

詹氏林光圻繼室秉性誠篤年十八于歸二十而夫

歿慟絕復甦歛後卽自剄以殉

董氏太學生林開全妻年二十五于歸三月而夫歿  
氏痛極以首摔棺幾裂舅勸諭且命家人守之得  
不死自此日臥牀不起半年一夕忽躍起辭家人

福建續志

卷六十一 列女三七

嘔血升餘卒年二十六

余氏江長配妻夫亡殉烈時年二十以官上

鄭氏諸生柯應鳳妻順治初海寇肆掠鳳被執令爲  
嚮導不從死之氏痛夫非命且懼辱遂觸死丹出  
下

柯美姐陳茂旺妻歸四載夫亡幼子繼天氏投繯以  
殉年二十二

陳氏許字謝順順卒卽奔喪自縊而死時年十四

鄭氏王平妻夫死殉焉乾隆間 旌

張氏陳式漢妻夫亡以身殉乾隆間 旌

阮氏鄭勤澄妻夫疾侍湯藥三年及卒投繯以殉

乾隆間 旌

林彩姐陳蘭上妻于歸七日夫歿卽殉乾隆間 旌

陳氏劉定謙妻夫歿卽於是日投繯以殉

鄭催姐陳于東妻夫故投繯以殉乾隆間 旌

盧氏鄭行芝妻夫死殉烈乾隆間 旌

林氏邱宗尊妻夫歿強暴欲污之氏不辱縊死乾隆

間 旌 以上樂長

江氏陳喬灑妻夫歿事翁盡孝夫服闋卽殉烈內寢

陳守娘歸田大真夫卒有子九歲氏矢節二十載

福建續志 卷六十一 列女三八

康熙十年子被寇害氏營葬夫與子從容自縊死

鄭美宋適林一纘纘疾革注目視氏氏默喻其意越

次日一纘僅存一息氏整衣拜母雉經牀前一纘

氣方絕

陳氏何館昌妻翁履垓早卒太姑及太嗣姑與姑薛

俱寡薛善事二太姑撫館昌兄弟有成館昌死氏

哀慟欲絕姑以遺腹止之孤育三歲天氏投繯死

年二十二

郭庚宋許字葉益萼未歸值海寇蹂躪翁被執益萼

及弟倉皇溺死弟妻林氏亦未婚卽奔赴殉之女



聞訃素服奔喪以節終

余翼官許字陳廣業廣業卒詣陳氏入室自盡祀節  
孝祠

何癸宋受聘王三長三長歿女奔喪獨處三年服闋  
絕水漿晝夜號慟自經死

吳氏余廷碩妻夫卒僅生一女氏抱而哭曰爾何不  
幸生我家也持小佩刀自刺兄嫂亟奪之復投繯  
死年二十五

葉正端明葉文忠向高曾孫女適諸生張坼一年夫  
病刲臂肉和蓮實以進夫死泣拜舅姑貽書訣母

福建續志

卷六十一 列女三 九

及弟不食旬餘不死吞毒草又弭鉛粉積三十日  
乃卒年二十一

盧端宋李育紀妻年二十二夫卒無子氏誓以死殉  
翁姑泣勸之乃守節三年服終投繯死

莊興宋鄭元康妻耿逆之變與夫避難至江口夫病  
卒守節六年父母欲奪其志氏結帛縊牀中端坐  
而逝

林金宋適陳孟東數載孟東卒氏爲斂具各兩家人  
知其將殉泣勸之答曰與偕生當與偕死義也遂  
自縊死

林旭宋適監生陳子檣海寇至氏倉皇避走寇攫而負之齧賊耳幾斷爲賊所殺

王端英許字周元梅年十四元梅卒女歸周家矢志貞守擇姪爲嗣日夜紡績以營葬年七十九

敖器宋年二十歸王崑士崑士業儒氏勤紡績閱五載夫卒無嗣越七日雉經死

陳齊宋葉惟娘妻歸葉一年夫卒服喪三年一日作詩云二載錦囊成百歲一環冰骨係三綱遂自縊

葉已宋適俞克操夫歿終喪自縊死

王朝官陳兆玫妻夫死無子時有寇暴氏罵賊被殺

福建續志

卷六十一 列女三十

吳授官翁士山妻士山病卒氏投繯以殉

敖氏林聲侯妻聲侯病卒既卒哭雉經於夫柩之旁

翁佳宋適龔爾國幼通書史識大義歸龔年餘夫卒

作哀詞四章投繯以殉祀節孝祠

俞銀宋林世師妻婚日世師忽病扶掖成禮越半月

歿氏治喪具畢擇日拜家廟別親屬從容自縊

林貞宋年二十歸陳廣明三歲廣明以販魚溺死氏

赴哭極哀卽蹈海以殉以援不得死氏曰吾志決

矣何苟緩須臾爲越次日廣明斂畢遂投繯死

吳嫩宋夏嘉密妻事翁姑甚謹翁喜食魚嘉密時舉

醫取魚水漲溺死氏於次日自經以殉

許端宋歸戴學光逾年學光從師暴卒於館氏聞變  
慟絕卽投繯以殉年十九

陳鳳官幼聰慧知書長適林聖修夫死無子投繯以  
殉

周壓官許字葉文忠裔孫信年十八將婚信忽病革  
女聞卽絕粒訃至奔詣葉氏展拜如新婦禮撫尸  
痛哭遂自經雍正間祀節孝祠

劉貴宋甫十歲父母俱亡事庶母如己母許字陳振  
祚振祚亡氏決志往殉及門謁舅姑如禮入內室

福建續志

卷六十一 列女三

十一

坐待旦鷄初鳴投繯而逝祀節孝祠

薛瓊官許配林守官未婚夫卒女之林投繯以殉年  
十八

葉敬使年十七許字黃家皞未婚家皞歿訃至女卽  
素服奔喪投繯死於夫旁

林霏官許字吳賢太未行賢太卒女年十九聞訃更  
衣毀容絕食五日不死卒自縊歸於吳事聞旌獎  
祀節孝祠

陳瑞華許字何廷詩廷詩年十六夭女尙幼聞訃卽  
欲死父母阻之不食八日卒

林申宋許字江振三未婚振三天女年十一聞訃竟詣江氏殉烈祀節孝祠

任玉宋許字何奕招奕招卒女痛哭絕食之夫家投繯殉之

何滿宋許字林孝樂未婚而夫卒女之夫家自縊以殉祀節孝祠

薛紹宋許字林干學年十八干學卒自縊以殉

許異官許字吳觀餘將婚觀餘忽歿女乃赴夫家從容死之

歐端宋許字吳士禮士禮卒女大慟坐達旦欲奔喪

福建續志

卷六十一 列女三

十二

毋使聞於吳次日詣吳門自經年二十二祀節孝祠

傅玉宋許字陳恭悅恭悅卒奔喪大祥日自經以殉

林氏諸生何昭昆妻昭昆臨歿以目視氏而不瞑氏指心曰此中已許君久矣幸少待卽閉戶自經

張理官年十六適諸生葉廷棟甫一載廷棟暴卒斂畢出奩中物分贈娣姒自經死祀節孝祠

鄭定宋何承恩妻夫病卒氏年二十三無子投繯而死

郭德官魏值妻夫卒自經死

林瓊官適李璧燦璧燦久病卒不起氏爲葬畢投縵自盡

劉升宋夏耀妻夫歿氏年二十四乃自縊與同殯焉  
陳瑤宋王世蟲妻夫亡自殉死祀節孝祠

俞卯宋楊振康妻振康卒越數日殉死年二十

陳穎官余芳年妻夫卒越三日投縵而絕

翁敏官鄭尙進妻夫病卒謂所親曰冀覓雙棺請以死殉家人泣止之不回卽於是日投縵卒入節孝祠

林紫宋年二十適黃守靜四載守靜歿氏志決殉烈

福建續志

卷六十一 列女三

十三

不動聲色旣殯遂登樓自縊祀節孝祠

林招宋年二十二適何逢龍逢龍航海遇寇死氏聞欲殉翁姑止之逾年乘間投江死潮退尸端坐沙際面色如生

徐端宋陳允密妻允密歿投縵自盡年二十祀節孝祠

林徽貞適何德寧夫歿氏年十八撫嗣男甘貧守節六年嗣孤歿遂投縵死

周繡宋年十八歸吳名臯六載名臯卒氏葬夫畢遂

投縵

陳喜宋適林武武歿服將闋投繯而逝年二十八  
吳持官林兆哀妻兆哀早世遺二孤家故貧氏年二  
十一矢志撫孤不數載二孤相繼夭氏營葬翁姑  
及夫遺戒承嗣子遂自經

余敏宋吳孔畹妻夫病篤卽誓相從及卒遂絕粒自  
經死

林氏陳淑寶妻夫死乘間投繯而死

林民雲何鞏生妻夫始死雉經者數家人防之不得  
死至大祥日投繯以殉

陳玉宋林允貴妻年三十夫歿遺孤八歲氏哀慟誓

福建續志

卷六十一 列女三

十四

同死家人止之不可卽自經死

施菊宋適鄭肇恭肇恭往江右尋父死於途父歸以  
告氏大慟投繯死

葉琦官父積沂計偕京邸母病篤兩兄相繼亡氏顛  
天割股和藥以進年二十適解元施鴻綸五子紡  
美越七載紡美卒氏趣具兩棺衾投繯以殉

陳龍宋許字陳嘉魁嘉魁卒奔喪自經死

方珠宋許字夏日陞年十九日陞死家人秘之女詰  
知其實絕粒累日奔喪投繯死大府旌之

念巧宋性至孝許字吳賢幼未婚賢幼卒奔喪投繯

而逝雍正間旌祀節孝祠

盧鎮官陳正烱妻烱病篤氏割股和藥以進夫卒越三月自殺以殉

倪居宋適林彥飛未一年夫病卒絕食自經死

林定宋劉鳴珂妻夫歿次日投繯死祀節孝祠

陳安宋年十九適徐奇蕙夫亡自盡以殉

嚴氏何立雯妻夫病朝夕籲天請自代夫歿投繯死

林楚宋夏永尙妻年二十二夫病歿營葬畢自經死

王儀宋年二十一適夏金簡夫卒立兄公子爲嗣既卒哭自經以殉

福建續志

卷六十一

列女三

十五

方孟捷林嘉綏妻年二十四嘉綏卒氏投繯死

王齊宋余喜侯妻喜侯家故貧又多病未婚時氏父母欲毀盟喜侯許之氏堅不可歸余五載夫卒無子隨於次日殉烈年二十八

鄭氏年十九歸蕭聖立家貧氏奉姑謹夫病籲天請代及夫卒卽日投繯死與夫同殯祀節孝祠

薛月宋吳大侯妻夫病卒閉戶自經年二十四

郭鐸官適何學纓五載夫歿遺孤三歲撫養成立孤

又天氏擇嗣孫爲後自投繯死

陳端宋適林會可年二十夫卒卽日投繯死

周寅宋高允哲妻夫歿無子擇嗣定誓以死殉遂投  
縊死

林金娘蘇達妻夫歿氏悲痛自縊

俞春宋許字林裘夫裘夫病篤具期趣婚女母不允  
女請應期往供醫藥越年餘夫卒女投縊殉焉

陳秋宋魏士叅妻士叅歿氏撫膺大慟投縊而絕

王寅宋林則騰妻夫歿以死殉時年二十八

曾瑞香薛廸名側室廸名病危目氏曰汝將何如對  
曰願相隨地下耳廸名卒死之

鄭美宋年十七歸薛師聲五載夫卒氏自治棺具投

福建續志

卷六十一 列女三

十六

縊死

林玉宋薛廸吉妻生子甫七月而廸吉卒氏年二十  
一矢志孀守後子七歲病危氏叩天泣禱以身代  
兒死存薛氏一脈遂入投縊死其子果愈

施瓊宋適何恒達嫁半載夫歿卽投縊以殉

陳進宋林侯肆妻夫死從容就縊

陳氏諸生方逢昂妻夫卒閉戶自經與夫同逝

張挺宋王荃妻年十八于歸後荃挈眷寓姑蘇夫歿  
立姪廷賢爲嗣營葬事畢再拜結縊以殉

余有宋何嘉均妻夫死遂自經



吳細宋適陳聖藻數載夫卒投繯以殉  
張雅宋方宗會妻年二十七夫卒無子自殺以殉  
鄭成宋適王元銓八年夫病歿氏輟哭治兩喪具家人知其欲死防之密氏乘間閉戶自經  
翁仁宋林元賢妻夫卒翁客福安婦請殉家人止之以俟翁回因緩死年餘翁歸遂自經死  
徐葦宋適鄭孔黃夫病卒自經家人救甦後復就縊於夫側

趙盡宋李公惠妻夫卒氏卽日殉之

陳香官李錦忠妻夫卒志決必殉翁姑泣勸不從竟

福建續志

卷六十一 列女三

十七

遂其志

張雅宋適陳我都夫卒營窀穸畢自經而逝

陳靜宋薛繩肇妻年二十五夫卒氏欲殉姑止之以有遺腹冀延一綫及生男氏撫孤備歷艱辛迨男婚娶後告其妯娌曰吾事已畢可以報亡夫於地下矣越三日經於夫柩之側

林如官何朝顯妻朝顯遭疾氏籲天請代及夫卒未殯氏擇嗣畢卽日殉焉 旌表祀節孝祠

莫招宋年十九許字林載彤將行而載彤凶問至女潛備死具往奔喪家人密爲防越三日求立嗣畢

投繯以死

吳謐官幼許字張士植士植死父母秘之女詢知夫死卽於次日素服奔喪自經祀節孝祠

蔡酉宋許字鄭孔涇孔涇歿女詣其家投繯以殉祀節孝祠

王招弟許字鄭方懋夫歿至其家自經以殉祀節孝祠

楊水娘父自莆移居福清許配營卒劉沐沐從征臺灣病死凶問至女赴夫家擇姪爲嗣卽自經祀節孝祠

福建續志

卷六十一 列女三

十八

林窠宋幼字李有純病歿女聞訃日僅飯數匕夫喪小祥閉戶自經父兄知不可回聽歸李氏拜翁姑徑入內室投繯死祀節孝祠

張月宋許字翁繡侯繡侯暴卒女奔喪自經死

林酉官許字陳昌允將婚昌允病劇女請往奉湯藥父母難之昌允旣歿女以死誓遂至夫家入室投繯而絕

王富使許字許開先開先卒奔喪自經於柩側高齊宋許字何若夫將婚而若夫卒女欲殉死父母不許後聞有議婚者卽投繯死

林朱宋許字陳朝鴻聞朝鴻歿誓以死從家人防之  
嚴乘間投繯以逝

吳寶宋許字林紹祖夫凶問至奔喪自經死年十九  
徐淑徽許字薛沂衍沂衍溺水死淑徽聞之欲奔喪  
父母不許遂投井死時年十九歸薛葬焉

陳椒宋許字陳華華捕魚溺水死女聞卽自縊以殉  
薛茂宋許字林華哲夫卒奔喪自經死

陳慧宋吳昌坤妻生子未週夭歿未幾孤又殤氏撫  
膺慟哭投繯死

何煥宋歸林聖朝夫歿自縊以殉

福建續志

卷六十一 列女三

十九

鄭福宋陳周輝妻奉姑至孝夫病刲股和藥夫亡營  
葬畢投繯以殉

陳全宋適林志壽生一男夫暴病氏刲股以進不效  
竟卒孤又殤氏絕粒三日不死卒投繯殉之

李招宋薛卿隆妻夫卒矢志同死私自理衾具越三  
日自經死

張容官適林則聲則聲卒氏卽殉焉

鄭滿官江大奮妻夫疾革刲股以進嘗語夫曰倘不  
諱願共死及卒卽於是夜投繯死時年二十九

林勉宋適夷騰夷騰早世氏潛備死具與母訣爲夫

立嗣囑與合葬遂投繯死祀節孝祠

鄭瑞官適嚴伯懷伯懷歿氏殉死

梁詩官余敬源妻敬源客死浦城訃至欲殉氏祖母知其志至其家防之氏乘間登樓自盡年二十八

解虔治適黃初書夫死自經於屍側同日以殯

曾頂宋鄭元金妻元金病篤氏籲天請代既歿絕食

自經死年十九

吳瓊官何朝碧妻年二十五而朝碧歿家故貧苦節十一年女殤氏訣戚屬于夫忌日從容就烈

林有治黃德熊妻夫病歿卽自經死

福建續志

卷六十一 列女三 二十

鄭銀宋適黃聖裕夫卒氏大慟垂絕既斂卽投繯死

施品宋林秉章妻年十三姊璠宋適何某數月殉烈

母哭之哀氏慰曰姊得死所何慟爲既嫁夫遘疾

歿含辛撫二孤逾年相繼殤遂自縊與姊稱雙烈

夏靜宋幼嫺女史識大義許字施應權應權卒女年

十八歸施門立嗣爲夫後撫孤十七載嗣子又殤

遂遍訣親屬投繯死

翁宴宋林元白妻嫁年二十越五載元白歿氏卽閉

戶自經

翁淑敬年二十適陳紹準紡績佐讀紹準卒氏欲殉

因姑病勉侍湯藥姑又卒乃殉烈年二十六  
王愛弟黃君仁妻夫卒無子氏經理喪事擇立嗣男  
遂投繯而絕

林氏適方子安姑早逝氏事翁及庶姑克盡婦道閱  
四載夫卒遺孤二齡逾月里有豪者謀奪其志氏  
知之卽入寢室自經

吳居第年二十歸林騰國三歲騰國歿遺孤一隨殞  
遂於夫大祥日自經柩旁

林徽宋陳開仁妻年十六歸於陳夫歿卽於是日投  
繯死與夫同殯

福建續志

卷六十一 列女三

二十一

林左宋適盧存遠育一男四女比夫卒氏哀痛不食  
舅姑泣諭之乃守節居二年孤復殤遂拜宗廟別  
舅姑從容就縊

何翠妹張應文妻夫卒氏年二十投繯以殉

以上福清

孫淑英林翼招妻夫卒與姑周氏同孀守戊子兵變  
孫懼爲賊污赴水死

陳凝淑適林挺梅子夫牧豎耳未一歲死貧無以殯  
哭屍旁三日夜殮畢投繯死

孫引小年十七歸林增慶纔雨月夫以業漁溺死孫  
矢志喪終盡哀致祭入夜嚴粧以大帶繫椽死邑

令徐甲第造其家祭焉

何長妹懷正女歸李大妹順治庚戌大妹爲寇所殺  
何聞自經死

王穎姐邱卞玉妻年二十九喪夫未有子因決計死  
家素饒奩具甚盛悉以付小叔宸玉以他日嗣續  
之事託焉遂絕粒不食其母力止之不得已謬爲  
食飲如常母因不疑乃乘間縊死

吳梅姐嫁鄭亨泌甫一歲亨泌卒執喪歷旬日闔戶  
投繯時人有詩弔之云尺繩名義留千古兩柩幽  
魂對六時門外一泓湖水碧春來仍照舊蛾眉

福建續志

卷六十一 列女三

二十二

吳玉小生而嚴肅長適余玘家貧吳安焉未幾玘病  
及劇吳涕泣誓殉玘慰之曰若自爲我家婦食貧  
良苦或者天其憐之俾終有甘乎吳泣曰君死妾  
安能得甘吾死決矣玘逝吳遂以鏹鋸喉血噴湧  
濺地衆抱奪之不得死遂剪髮絕粒示不可生獨  
冀其父來一訣父知之故不往逾三月始往視吳  
聞父至欣然易服出曰兒不孝不得終侍老父將  
從余郎地下矣是夜卽所剪髮絞爲繩閉戶自經  
而絕年二十四

張秀姐年十八嫁何良鵬未踰年夫病篤微探之張

指天以死殉夫歿卽欲自盡家人共止之數月嗣子以疹殤張泣曰吾命也胡以生爲遂於是夕自縊死

吳碧蓮歸林步苑生一女步苑疾不起語吳自爲計曰君死妾死奚計乎曰如幼女何曰俟斷乳可耳步苑歿旣踰期女已斷乳乃曰此吾踐言時也欲投繯其姑與同寢處不得間遂市砒嚙之家人急爲解噤不受越三日乃絕

鄭氏陳莪妻莪家貧舌耕以養親鄭勤女紅佐之相得甚歡後莪遘疾死於學舍鄭痛哭語舅姑相從

福建續志

卷六十一 列女三

二十三

泉下舅姑曲解之服喪越四十餘日卒投繯死時年二十三

林氏許嫁鄭若五子林歸鄭未踰月夫病就婦家延醫治之弗效尋卒林數欲死之父母力勸終不聽踰月扶櫬歸促翁速營葬及畢遂自縊

董合珠吳雲達婢也嫁章學閔學閔貧不自聊一日自縊於深山中董號泣求之無所得逾二年有樵者聞鬼哭聲尾之見一屍已化闌珊遺骨旁有雙履歸輒語人以爲異久之聞於董董曰得非吾夫乎亟往視其履果手製也遂拾骸掩之是夜卽縊死

楊愿官嫁林鳴瑜家貧相敬如賓無何鳴瑜病謂之曰我貸於人者多死且負之矣奈何及死楊盡鬻其田廬什器偏償之自殺以殉

陳梅姐謝守巖妻年二十五歸謝逾年育一子又逾年夫病剝臂肉糜以進終不起既殮投繯於寢侯月小陳滿仲妻年十八而嫁逾歲夫估於浙溺水死其舅姑欲嫁之侯執義不可自經死林玉姐年十九嫁鄭鴻甫六閱月鴻甫得疾死越六日自縊於柩旁

楊氏吳秦士妻秦士歿自殺以殉一女方五歲將死

福建續志

卷六十一 列女三

二十四

時語之曰吾行從汝父地下汝生非男何恃以長須明旦來攜汝翌日女竟無病死

孫氏秦士弟光士之妻秦士死兩年光士繼歿孫氏亟欲殉之姑及諸娣防之甚周孫陰自剄不殊流血數升而已閱兩日以剪刀斷喉而殞

陳氏張孝美妻夫死陳年二十三家貧無子既蓋棺閉門取所藏砒服之有頃毒作家人惶遽求藥以解靡不受曰吾志已遂無相困也遂卒

吳氏楊永相妻永相以刺船爲生溺死於北茭洋吳聞覓夫屍踰月屍不可得痛哭自經死年方二十



五

鄭氏吳國言妻國言歿鄭未及視殮經於屍側  
陳蕊姐嫁林宗琰四年夫死陳絕食執喪七日遂縊  
以死

王日姐年二十適林尙燦六年夫歿王投繯卒

孫氏翁士達妻年二十歸翁夫歿設奠如禮明日客  
弔於堂婦閉臥內經死矣

陳住小農家子年十八適孫輝南輝南歿陳閉戶自  
經衆覺救甦婉諭之因稍進飲食越五日竟縊死  
年三十五

福建續志

卷六十一 列女三

二十五

黃懿姐許字陳汝敬未婚而夭女年十五聞之怏怏  
及後漸有知乃數涕泣媒氏謀爲改聘而女不知  
陳母廉其事徑造女家女疑焉執婦禮出見相對  
悲不自勝少頃延姑於房詢來意姑曰聞爾改聘  
來取聘錢耳女大慟曰亡人不幸乃以妻爲市因  
語姑曰幸少待兒得爲計遂留姑宿盡吐所欲言  
隨取所受簪珥奉姑曰留此如見兒也日暮姑辭  
歸女泣送於門返卽沐浴理髮改著新衣竟引刀  
自截其喉未斷復割之凡三乃死

孫新姐許配陳英健英健竒醜人爭謔之女曰命也

俄英健溺水死訃至將奔喪父母阻之不得行郤水漿七日不死遂縞素持喪絕語笑沐浴閉戶經於暗室鄉鄰爲顰有司旌之先是孫之姑歸林增慶慶死於溺姑亦自縊以殉龍江劉寵爲作孫氏二烈傳

鄭倫姐少孤善事其母年十五許字諸生陳錫標陳孤且貧莫能備禮持二釵定約而已未幾病死女聞卽求往殉母兄止之終不聽乃至陳行告廟禮拜柩前嗣子出拜徹所聘二釵畀之卽振衣出袖中繩就縊繩斷趣易復縊而死

福建續志

卷六十一 列女三

二十六

吳淑姐許字諸生趙讓賢未婚讓賢渡江溺死訃至女以殉請父母諸母泣勸不答亦不食閱五晝夜奄奄欲盡乃許其行至趙引繩自盡

陳容姐許配鄭子章子章死女年十六造鄭氏從容縊死

孫氏許字葉起雖起雖夭孫年二十一至葉門大慟引刀自剄

林蘭姐祖母游氏以節聞女習內訓許字諸生黃鳳彩歸有日矣適鳳彩母喪未克婚終喪鳳彩亦卒女行弔黃門詣屍所時方未殮女入房中拜拜已

顧侍婢取衣來婢出亟闔戶出袖中繩繫牀縊死  
乾隆間 旌

陳招姐許配張光烺光烺溺海死女聞晝夜悲泣逾  
月閉戶自經死

李引姐許字陳日秀未婚溺水死引姐至夫家自縊  
以殉

孫氏王燮妻歸王未期夫卒時適有兵禍乃赴水死  
陳氏諸生吳光祚妻教授祖念女也夫耽飲不脩家  
政陳以織紵供食極憔悴而無懟容夫卒人疑貧  
當改節陳勵志彌堅難作投井死

福建續志

卷六十一 列女三 二十七

林氏蘭申妻卽夢麟姪婦也與夢麟妻同日芻死

鄭郡姐貢生班熊女夜坐井旁兵入遂赴井死

林氏游僕妻素安貧約時夫爲兵獲懸拷金帛氏挺  
身出救兵欲攜以去奔入池死同時有黃氏林琛  
子志第之妻歸林未數月從姑死於井吳道成妻  
孫氏兵入赴井死

陳氏林可金妻海寇掠諸鄉遽投潭以死同時有薛  
恭姐張揚輝妻戊子海舶攻堡陷薛登草樓以大  
帶雉經死張氏王承妻寇入城奔投儒學後河死  
王敬姐歸諸生傅巖甫四月巖卒誓不欲生投繯以

殉

林杙姐許字劉文駿年十七夫亡奔喪乘間雉經於  
柩側距夫死十二日

黃氏許字鄭光謙光謙歿拜父母兄弟登輿就道行  
八十餘里神色自苦到鄭門哭奠畢袖出苧繩自  
縊夫柩前

林賡姐許字陳兆鏞夫歿誓以身殉母防之密乘間  
閉戶自經顏色如生乾隆間 旌

劉香姐陳世章妻于歸後勤鍼紉以奉老翁甘旨與  
夫相敬如賓夫病篤刲股以療及歿號泣呼天請

福建續志

卷六十一 列女三

二十八

於夫之諸昆弟立嗣以續宗祀入房整衣自縊死  
時年二十四乾隆間 旌

周掩姐許字吳鵬青鵬青卒氏奔喪視殮次日解衣  
帕自經死乾隆間 旌

鄭欽姐儒童孫日賔妻歸三載而夫歿勺水不入口  
爲夫立嗣於夫殮之明日投縵以殉乾隆間 旌

鄭巧姐陳善任未婚妻陳病瘵卒氏請歸陳守節父  
許之至則拜姑及夫靈擇嗣承祧半夜自縊死

乾隆間 旌

徐陞姐許字楊廷濂夫歿投縵殉烈有司獎焉

吳珠官年十九歸陳新蘭逾年生一子新蘭以攻苦  
得病屬續之頃氏搏膺呼天絕而復蘇及旬始進  
湯水一日子患疹氏泣曰未亡人所以不死者以  
有此子也若朝亡我必夕死既而子殤氏仰藥咽  
金皆得不死舅姑日夕防之未幾而病進藥餌不  
飲及疾篤出其鑰予母啓篋身內外所須咸備惟  
曰兒所少者雙履耳吳早志於死故身後之須咸  
預治嘗以紅綃製履姑見疑爲嫁具吳聞之恚立  
焚之故至是以製履囑云卒年二十九

黃氏歸鄭志廣家貧夫卒拮据殮殮畢卽投繯死

福建續志

卷六十一 列女三

二十九

章泮姐許字邱岫宗夫卒聞訃自經死

陳舜英童儒余起燦未婚妻夫亡殉節乾隆間 旌

黃氏儒童李天樞妻夫亡殉節乾隆間 旌

林氏儒童陳建輝妻

林鞠姐夏紹理妻踰年而夫溺水死朝夕祭奠必誠  
必敬含泪慰姑及營夫殮含立嗣夜以衣帶自縊  
殉節

黃景小林仲菁未婚妻仲菁歿奔喪矢志孀守竭誠  
以奉舅姑辛劬備至歷節三十五年

徐鳳姊許字陳日燦日燦歿卽投繯以殉及殮面如

生

楊蓉姊劉天駟未婚妻聞天駟訃奔至劉門哭奠歸  
而是夜投繯死

陳氏林煌未婚妻煌歿氏殉烈

林紅姊陳大標未婚妻大標以血疾卒氏詣陳行婦  
禮夜半取束身帕自縊於床死

林氏劉文駿未婚妻夫歿奔喪投繯殉烈時年十七

以上連江

范明官許字吳求求卒氏聞訃自縊死時年十七

乾隆間 旌

游貞慧吳子畏妻年饑子畏染癘疾父母議嫁之氏

福建續志

卷六十一 列女三

三十

夜半沉水死

蘇氏鄭昌運妻甲寅之變抱四歲嬰兒赴池死

江磋姑聞酣妻夫死子夭殉節自縊

張端姑陳勤經妻年十九歸陳兩載夫死無子誓必  
殉姑謹防之至次年乘間沐浴更衣自刎氣未絕  
自以兩手斷喉根姑覺扶扉入見其手示人若求  
盥狀家人進盥畢合掌含笑而逝時風雨雷電大  
作忽變酷烈爲嚴寒顏色不變

李櫻姑德化訓導方祚隆妾祚隆年八十一始舉子  
旋卒氏撫孤至四歲嫡欲奪其志氏抱兒慟曰兒

四歲可無須乳哺矣吾將從翁於地下天不絕方氏兒當自立遂自縊死年二十四

張滿姑許字戴天福年十四天福歿氏聞訃卽髻髮輟沐忍口縮腹誓不久生母弗能割防之密歷兩旬餘乘間經橘樹下橘葉盡落樹亦遂枯邑令聞而旌之

何慈姑諸生游奇能繼室夫死欲殉家人防之忽憬然曰及吾身不爲夫營一坏土子幼未可知促命工作三壙距夫死六十日投繯死

陳秀姑諸生鄭士英妻年三十夫歿自縊而死

福建續志

卷六十一 列女三

三十一

魏瓊姑許字鄭世獻未婚世獻卒氏自縊死尸歸鄭兩尸相向各鮮血從鼻孔出乾隆間旌以上古田

張熟姑甘珍明妻珍明歿熟姑年二十四自縊以殉

以上南屏

吳煥姐林臣輝妻年十九夫卒遺腹數月見柚樹花盛開指而言曰吾未知得嘗此柚否及秋末遺腹不育氏遂從容奠拜縊死柩旁

吳善使年十八適諸生葉有苾甫五日夫卒氏自經死

林惠挺年十八適武生羅大綱三載夫死氏啣哀絕

食視棺殮畢卽自縊

劉氏許字陳龍魁年十九聞龍魁死卽親往守節孝事老姑撫育嗣子年七十五卒

陳璫姑黃允文妻允文卒女方二歲有強奪其志者氏懼不免將女投之火遂自刎柩旁

孫徽音毛於岐妻夫歿姑繼亡勉強終喪爲夫營葬畢卽自縊死

孫錦玉石首縣丞柱女通書史年十七許字丁又仁未嫁而又仁歿氏聞訃爲書與姊決從容就縊顏色如生

福建續志

卷六十一 列女三

三十二

陳金宋翁應朝妻夫死殉烈

以上  
閩清

黃氏明太史文煥女孫許聘淮陰劉氏子未婚夫亡請奔喪不得遂成服於室無何聞有他議自投樓下不死居五年不釋服曰不歸劉拜夫墓終不釋也舅姑乃迎以歸謁墓慟哭哀感行路淮人士嘆美之吳江潘未有黃節婦詩

柯望使適林文憲夫死不食五日自經死

陳氏諸生張愚妻愚卒氏自縊死

游廷官鄢鏘妻夫卒奉姑撫嗣子長成曰吾事已畢卽絕食卒



劉月姐年十六遇賊被執欲污之不從詈不絕口遂遇害

張遂使適林在雍甫半載夫卒氏投繯以殉

童壽使陳允禮妻年十七歸陳八閱月夫卒葬畢不食九日死

黃顯使適詹周士三載夫卒氏自縊柩旁

張氏適陳子儀夫卒遺腹生女氏憤痛棄於河扼吭而卒

黃氏張礪公妻礪公死氏從容就烈

余金柳汪世合妾世合卒投繯以殉

福建續志

卷六十一 列女三

三十三

某氏陳宜子妻夫卒從容自縊而死

陳扶姐適羅某里有豔其色逼脅之氏自縊死乾隆間旌祀節孝祠

何氏謝欽長妻欽長死無子族戚勸其撫嗣孤氏曰已許夫以死奈何背之卒自經死乾隆間旌

黃士韞林在劫妻夫卒氏矢志殉烈姑勸阻至期年咏絕命詩從容自經死

黃淑貞何世輻妻夫病篤山寇適至氏守夫不去遂被執義不受辱罵賊以死年二十六

莊車使邱啓受妻年十九夫卒舅姑欲奪其志受某

氏聘及期氏拜舅姑及夫靈入室自縊死永以福上

福建續志卷六十一終

福建續志

卷六十一 列女三 三十四